

商水縣志卷七

建置志

城池

縣城 按舊志商邑舊屬土墉無埤堦戍樓雉堞週圍僅四里許

歷代增修無考明洪武四年縣丞孫元仁修築城高二丈餘通志

作一丈九尺廣五尺置四門皆作卍字形東仁化南義和西道泰北德政上建

戎樓四戎舖八隍深二尺闊五丈餘通志作池深八尺濶二丈成化知縣羅維修葺舊志

有羅楫無羅維正德六年流賊趙燧邢老虎攻陷知縣劉漢增築之萬

曆二十一年頽於雨知縣劉遷重修高屹嚴固樓宇更新三十

五年知縣俎通志鼎始以甌甃東門以北二十餘丈而止崇禎

九年知縣王化行盡易以甌四門置甕城四面設敵樓蓋屹然

金湯云十四年流賊李自成攻陷盡毀之十五年鄉民顧養泰

商水縣志

卷七

建置志

率衆修補清順治三年知縣原英煌重修十年霪雨頽圯知縣

吳道觀重修康熙三年知縣張鐸幫築內城兼補女牆二十七

年內城薄削知縣邵瑗徧築之二十九年七月大雨城頽數處

知縣康起梅復修如故三十年知縣劉君向捐俸繕葺五十年

知縣修映辰易曲門爲直門雍正三年知縣牟繩祖復改爲曲

門乾隆元年知縣吳昇八年知縣李新猷相繼修補崇墉鞏固

非復向時之卑薄矣至二十七年知縣郭衛邑紳李郊李淇党

五經等捐貲督修城垣暨門樓咸豐九年知縣汪斌才邑紳傅

成五王祥五等鑿池築城倍加寬廣又增建炮樓五座四門弔

橋及牛馬牆同治五年知縣陶森邑紳王全忠趙倣續修北門

十一年知縣袁鑑邑紳傅振德王有義等重修東門弔橋光緒

十五年知縣李煥新補修二十一年又委邑紳傅啟瑞朱華明

等督修東門甕城二十四年知縣王衍觀補修二十六年知縣延祺率邑紳梁俊蘇貫一重修南門宣統三年武昌起事知縣斌術邑紳趙崇光王炳揚王芳德等增修城上戍舖二十餘處邑人張丙壬捐貲重建東西門樓各三間同時邑紳趙國廉王國珍等監修北門

公署

縣署 在城東街文廟西舊署燬於兵燹清初知縣郭世魁因儒學改修

公堂 五間即舊明倫堂乾隆十年知縣張崇樸重修舊志列在東西角門後

穿堂 舊志作串堂據鄆陵志改 三間在公堂後舊志與二堂合列今分

二堂 三間東西耳房各一間在穿堂後俱知縣馬淑昌修雍正

商水縣志

卷七

建置志

二

四年知縣牟繩祖毀穿堂改修二堂捲棚三楹乾隆十年知縣張崇樸毀捲棚改修二堂前穿堂舊志列在左右書吏房後

左右書吏房 八間知縣原英煌修康熙三十七年知縣李興高

易草以瓦復添修兵快皂隸班房各一間舊志列在公堂後 今東西書

吏及各班房共二十九間

宜門 三間雍正十二年知縣張淑載重修舊志列在大門後

東西角門 雍正十二年知縣張淑載重修並修月臺甬道花牆

仍舊志

寅賓館 在宜門西因舊劉公遷祠知縣原英煌修今廢舊志列在土地

祠後

習藝所 共九間在大門內

土地祠

舊志列在申明亭後

蕭曹祠 俱詳祠廟志

大門 三間雍正十二年知縣張淑載重修舊志列在

旌善亭

申明亭 俱在舊志前知縣吳道觀修舊志列在

囹圄 在舊縣署之右知縣吳道觀修

廩房 十間

獄神廟 上三條舊志列在社倉後

關帝祠

馬神廟 俱詳祠廟志舊志列在寅賓館後

知縣宅中堂 按即三堂

東西廊房 六間知縣吳道觀修康熙五十年知縣修映辰添修

東樓三間易中堂為樓五間乾隆九年知縣張崇樸添修宅內

商水縣志

卷七

建置志

三

東西瓦房二座堂屋三間舊志列在書房後

大仙樓 三間知縣高理建光緒三十四年知縣孫多祺重修舊志

列在東西廊房後

東花廳 三間在三堂東光緒十二年知縣李煥新修

西花廳 五間在二堂西又南一院堂屋西屋南屋各三間又二

堂東廚房院堂屋東屋各三間

西書房 三間在三堂西舊志列在二堂後

察院 在東門內街北知縣原英煌修今廢舊志列在馬神廟後

縣臺 在察院之左因舊布政司署今廢

教諭宅

訓導宅 均列學校志

典史署 舊志在舊縣署右典史郭有光修大堂三間二堂三間

耳房三間東西書房六間班房四間正房六間東西房四間以後歷修姓名無考今西書房與東西房俱圯其餘民國六年管獄員張義周補葺

把總署 舊志在典史署東即舊縣署址原有大堂三間耳房二間班房兩所五間馬房一間今俱圯惟正房三間廚房二間二門大門尚存以把總既裁警佐租居民房故此署就廢

演武場 在城北門外

演武廳 三間今圯

將臺 僅存遺址

射圃 在把總宅前即舊縣署也

上四條舊志列在圖圖後

倉廩

舊志列在坊表後

常平倉 一在縣東北隅明萬曆間知縣張可觀建倉房四所倉

商水縣志

卷七

建置志

四

堂一所清順治三年知縣原英煌重修康熙三十九年知縣康起梅建草房一所三十二年知縣李興高建瓦房一所雍正七年知縣胡樓生建瓦房三間乾隆三年知縣吳昇陳州府志作吳耀建

瓦房十五間八年知縣李新猷建瓦房三間現餘房五所十七間共貯穀六千六十九石一斗零 一在縣署後瓦房九間乾隆十年知縣張崇樸建久廢

社倉 舊志三處 一在周家口關帝廟 一在鄧城 一在城

附周家口借貯當商雷顯瑞房共貯穀四百二十四石有奇早已放完今俱廢惟光緒九年教諭于學濂捐穀二十石邑紳王炳揚王殿珍等九人共捐穀二十石仿朱子社倉法推陳出新賑濟凶荒頗著成效現存原穀四十石於城內文昌宮

按常平之制始於魏李悝平糶之議成於漢耿壽昌歛散之法

歷代之荒政之最善者也雖徵穀之貴賤官爲收賣與預備之法稍異其利民一也今之倉穀則出於豐年富戶之所捐而官司其鎖鑰且所捐有限以數年之積蓄一遇荒歉分潤飢民每口曾不得數升焉名存而實亡又何益乎甚且歷任相仍不過按簿收鐫屋漏潮溼蒸變銷爍十數年不見風日及至散給已紅朽不堪用矣此尤倉儲之積弊也倣朱子社倉之法春放秋收得其人而行之則公私兩濟積弊一清莫有善於此者善乎邱文莊之言曰立倉用壽昌之名斂散行李悝之法勸輸則變通於孫平積儲則損益於朱子救荒之策斯爲得之矣踵而行之其利賴可永百世安得良有司與賢紳董取古人之成法而實行之乎

養濟

附廣惠堂樂善局舊志列寺觀後

商水縣志

卷七

建置志

五

養濟院 舊在城隍廟西草房八間堂一間明季燬於兵燹移在街南李省舊宅瓦房六間久廢

廣惠堂 在城南街路西監生王泰峯捐地基一處雍正十二年知縣張淑載建廳堂三間爲點驗給穀之所後又修瓦房二十六間爲窮民居住之所並二門大門照壁置地六頃三十九畝每年徵稞以贍窮民

以上舊志

光緒九年知縣李普潤記略廣惠堂創自雍正十二年坐落城內十字街南路西地基

東西寬各十三弓中長四十四弓二尺

原置房屋無存僅

餘大門三間廳堂三間傾圮重修又於堂南添修瓦房六間堂後添修西屋七間南屋六間共計新舊瓦房二十五間堂北築牆置門以別內外經縣民王金魁就堂內東北隅地基自修房八間每年交地租錢四千文以備津貼堂頭之費堂內原存地

一百二十六畝坐落龍塘河不知何年此地歸該處鄉地招有業戶輪流佃種每年繳倉斗麥秋各二十六石二斗六升收麥放麥收秋放秋每麥一石作錢一千文秋一石作錢七百元二季共作錢四十三千八百六十四文嘉慶十八年解前縣任內據戶書傅家順借領堂內生息本銀一千五百六十四兩四錢嗣因該書病故無力歸還將坐落華河地方已業地一頃一十八畝一分一釐三毫房屋十二間大小樹十二株呈繳作抵歸趙懷玉佃種每年秋麥二季共繳稞租錢三十千文同治八年鍾前縣以莫口邵七匿契漏稅將地六畝一分三釐照例充公斷入堂內招佃顧逢辰耕種每年共繳稞租錢三千六百文又斷充趙金山地七畝八分八釐歸入堂內坐落五里堡東招佃蘇秉文耕種每年共繳稞租錢二千文十一年教諭雷兼山將

自置周口市宅一處呈繳入官變價得錢五百八十一千文充堂內經費交當商王裕盛承領一分五釐生息每年繳息錢一百零四千五百八十八文十二年經葉前縣將華河地方鐵佛寺廟地四段三十畝因訟斷入堂內招佃李坤耕種二十畝每年共繳稞租錢十千文王立身耕種十畝每年共繳稞租錢六千文光緒七年本縣倡捐之款除修蓋房屋外尚餘錢八百千文於是年五月飭當商王裕盛承按一分五釐生息每年共繳息錢一百四十四千文堂內舊養貧民七十名已有舊章可率前項可支此項錢文以一百零八千爲增收三十名口糧之費錢三十六千文以備堂中歲修及死者棺木之需統計堂中舊額新增貧民共一百名願住堂否悉聽其便有病故者每名給棺木錢一千文空額即補又道光二十二年張前縣給價飭由周

家口各估衣舖於每年隆冬採繳棉衣二百件到堂發給該貧民等以資禦寒歷任照辦各有案卷存在戶房可稽

以上堂內共計瓦房二十五間地三頃二十四畝一分二釐三毫發當典息本錢一千五百八十一千每年共收稞租及息錢三百四十九千零四十四文除提生息錢三十六千文以備堂中歲修及死者之費並提地租錢四千文津貼堂頭外下餘錢三百零九千零四十四文額收貧民一百名每名每月發給錢三百文每年共需錢三百六十千文計不敷錢五十千零九百五十六文照舊章由官捐廉墊發合並記之

按記略原文雜亂稍有節裁至其中

地畝錢數悉仍其舊

民國二年王裕盛當典歸還廣惠堂生息本錢一千五百八十一千文內除破產地九十九畝六分原當價八百千文下餘現

商水縣志

卷七

建置志

七

錢七百八十一千文由歷任知縣發放該堂貧民口糧徐任動用錢三百三十六千二百六十文傅任動用錢一百八十五千八百文郭任動用錢二百二十九千八百六十文鈕任動用錢二十九千零八十八文以上四任共發過本錢七百八十一千文由公欸局發有簿可考

縣署戶科來稿

樂善局 附在城內文昌宮光緒二十三年邑紳王凌霄王震甲等捐設

積善局 附在城內文昌宮東院呂祖閣內民國六年項城舉人楊凌閣及邑紳等捐設

以上採訪稿

漏澤 義地附

漏澤園 舊共二處 一在城南三里許 一在城北王溝橋

清知

縣吳道 觀置 新置 一在東馬坡 一在西馬坡 一在渚河南岸

俱清貢生李震 一在城東雙龍橋清貢生陳王前捐置 一在周家口
普李郊捐置

西 一在蘇家坡村東半里許 一在張家堂北 一在城東

關北鹿盧灣 一在城東北柴家堂以志上舊

城北馬家莊義地一段相傳北李氏捐置

馬崗集東里許義地一段約四畝相傳陳月捐置

鄧城西義地一段八畝餘清舉人楊思震與弟庠生楊思遇捐置有碑

白沙崗東義地一段八畝清廩生楊襲慶捐置

楊灣西北堤外義地一段清副歲貢楊宏慶與胞弟清貢楊遐慶捐置

郭樓北里許官路西義地一段東西睻十二畝清嘉慶間周元龍捐置

城東南里許康路口義地一段相傳康姓捐置

東鄧店北義地一段一畝三分清乾隆初姚大用捐置

又義地一段十二畝清周元龍捐置查卷未詳何處

商水縣志

卷七

建置志

八

城東關北里許義地一段光緒二十五年知縣曹善臻捐置

城東北隅義地一段二畝零二毫南北寬各二十五尺四至東王長三十一弓二尺四至東王

守身西樊姓南項頭北施主民國六年教諭王芳德捐置

塾堡遞文塘撥在射圃後舖舍附

塾堡 商水自周口迤邐西南遞上蔡沿途舊皆有堡今廢

沙河南岸塾臺三處各有防汛 一在鄧城集營房四間防兵二

名 一在趙家集營房八間馬棚一間防兵四名馬兵一名守

兵二名 一在周家口西營房十間馬棚二間防兵五名馬兵

二名守兵三名

遞文塘撥 二處 一在西華縣司家埠口無官房守兵二名

一在臨潁縣瓦房集無官房守兵二名 又在城馬兵四名守

兵十二名

以上馬兵七名防兵十一名守兵二十一名通共額兵三十九名舊志作守兵二十四名額兵三十一名誤

驛程 東北至京一千八百里西北至開封二百八十里東北至淮陽縣七十里東南至項城縣一百里西南至上蔡縣九十里西北至西華縣五十里

商水舊未置驛現設遞馬十一匹馬夫五名遞夫十五名按公文驛

遞自民國二年改歸郵政驛馬遞夫即裁

更衣亭 在城東北五里王溝橋今廢

楊家灣舖 在城東北十二里明萬曆間知縣張可觀修今廢

崇臺舖 在城東北二十里

北蔡寺中火舖在城西南二十五里有舖司

十里舖 在城北十里尚有接官亭舊址存焉

商水縣志

卷七

建置志

九

周家口火舖 在城北十八里老街西真武廟右以上舊志今俱廢

坊表舊志列在宣講所後

志節坊 在東街為武英殿中書舍人李時馨之母王氏建今廢

雲路坊 在文廟前今廢

世科坊 在北街為監察御史王濬建今廢

木坊 在文廟西為通政司王溢建今廢

孝廉坊 明嘉靖七年為舉人劉沛然建今廢

孝義坊 在東街清乾隆八年為監生李震昇建以上舊志

節孝坊 在城西四十五里党寨道光間為党欽若妻李氏立

節孝總坊 在節孝祠內

節孝坊 在城西五十里屠家村清宣統元年為誥授奉政大夫

屠雨田妻王氏立以上探訪稿